



Gobierno de México

XAPA NĪʔARIEYA mupatsieniki,
mitiniitianiki hapaina makayeitiarieni
mana kemureukuʔuxa huta
turuyaritsie timieme, hakewa
murayeʔuxa kepai meteuyukuhana
ʔena werika manuyaka kwieyaritsie
memuʔuwa, kiekari mukumane
matĭari kiekatari wahetsie hapaina
kehate meripai memuʔaxia ʔena
meteʔawiyatĭ memaki tserieta
memanexia memiyiyiwi

Lengua indígena o agrupación lingüística y Autodenominación

Huichol o Wixárika

Variante lingüística y Autodenominación

Huichol del este o wixárika

ʔITSIKAME WERIKA MANUYEKA

ʔITSIKATE NʔAARI ʔUTʔWAMETE

XAPA NʔARIEYA mupatsieniki, mitiniitianiki hapaina makayeitiarieni mana kemureukuʔuxa huta turuyaritsie timieme, hakewa murayeʔuxa kepai meteuyukuhana ʔena werika manuyaka kwieyaritsie memuʔuwa, kiekari mukumane matiari kiekatari wahetsie hapaina kehate meripai memuʔaxia ʔena meteʔawiyati memaki tserieta memanexia memiyiyiwi.

Tetsitana keikari nierikaya kanayemieni matsiwa werika manuyeka kwieyaritsie timieme.- ʔitsikame werika manuyeka kwieyaritsie.

ANDRÉS MANUEL LÓPEZ OBRADOR, ʔitsikame werika manuyeka kwieyaritsie, xeyunaiti kehate ʔena xetehawiya, xemuʔuwa hapaina xemukutetika xetenamaika:

ʔitsikate kehate xeteparewie xetewewieti, xetetipatati, xeteʔakatitsati mana niʔaari manuyuwimatsie kemayetaine, mipai xeteʔahiawariwa

NʔAARIYA

“ʔITSIKATE NʔAARI UTʔWAMETE METEʔUXIMAYA METEPAREWIE METEWEWIETʔ METETIPATATʔ METEʔAKAYEITʔWATʔ KEMʔREUKUʔUXA WERIKA MANUYEKA XAPAYARI, MʔKʔ MEMʔYʔ MEMANUʔENI ʔIKʔ NIUKI, MANATSʔ MʔPAʔ MAYETAINE TURUYARITSIE XEI WAXAWI HUTA TEWIYARI HEIMANA TAMAMATA ʔAUXUWI MEYUNAITʔ MʔPAʔ METEKAKʔ, HAPAINA ʔITSIKATE MEMUʔUTʔKA TENARI MUKUMANE TSIERE ʔITSIKATE HARAKUNAPA MEMUʔU, MʔPAʔ MEPAITʔKA MUYPATA MUYPATINʔITʔANI HIPAME MAYUKATʔNI MANA KEMUREUKUʔUXA HUTA TURUYARITSIE, WERIKA MANUYEKA XAPAYARITSIE KEMAINI KIEKARI MUKUMANE, MATʔARI KIEKATARI MEETA KEHATE MERIPAITʔ MEMUʔAXʔA ʔENA METEʔAWIYATʔ MEMAKʔ TSERIETA MEMANEXʔA MEMʔYʔYʔWI

Turuyari yuxewi.- Muyupata mana kemureukuʔuxa xewitsie, hutametsie, naukatsie hapaina ʔauxuwitsie: ʔutiana maʔuxatika I, II, III, IV tsiere ʔiki kemaitika V, VII hapaina VIII, yaxeikia kemaine mana maʔuxa A tsie timieme: Matiari maʔuxatika C tsie timieme: Mana mauyuʔutiani niuki: ʔiki ʔutsika mitsutiani II, Muyukuyuitiani kemaitika V, VI, VII, ʔaku ʔaixi meyutiʔenietiyekaniki, ʔiki VIII hapaina XII tsiere XIII ʔiki itiana maʔuxa A tsie timieme: Mana mauyuʔutiani I tsie timieme yaxeikia II, III, VI, X, XI, tsiere XV, muyukuyuitianiki ʔaixi meyutiʔenietiyekaniki, itiana maʔuxa B tsie timieme; C tsie timieme yaxeikia muyukuyuitiani mana maʔuxa huta ʔutsika hapaina haika ʔutsika; D tsie timieme mayukatʔni mana kemireukuʔuxa VII tsie timieme tsiere ʔutiana maʔuxa A tsie timieme, naime kemaine huta turuyaritsie. kemireukuʔuxa nʔaari werika manuyeka kwieyaritsie mutika mipai reukuʔuxati kanayeimiki:

Turuyari 2o. Werika manuyeka kwieyari puyuxewi kwayiwe kwie mukumane wamemikikani, waikawa pirawiya matiari kiekaritari nuiwari memayexeyatika.

ʔIki kiekari werika manuyeka pitiʔiwiya naime kehate waikawa nuiwari memexeyatika hapaina makimiire, pirawiya matiari kiekaritari wahetsie, kehate ʔena memutamarixi meripaiti, werika manuyeka kwieyaritsie metehawiyati memaki, hiki ʔakuxi meteʔayexeyia

tsiere mete²iwiya yutukari tiita mete²ukuhayewiyerie: mete²iwiya, mete²uweiya kepai meteuyukuhana, yaxeikia yini²aritsie mekaniereti ²aixi ²iyari memukutetika, kuruxitsie timieme, yeiyari hapaina tukari, meeta yu²itsikate wakii mewareuwewirie.

Metehamaika kename kiekaritari wanuiwari waikawa raye²akani miki memiyiaka kehate mewapitiaka wa²uximayatsiya tsiere wanuiwari matiari kiekatari mekuxatani.

Kiekari memihiki matiari kiekatari kehate kiekaritaritsie mete²awiya, kememuteuyukuhana yukiekaripa, kwie memeuxeiya hapaina itsikate memiwareuxeiya mete²aye²atiwa yini²aritsie mekaneniereti.

Meripai kiekaritari memukahaitia ni²aari mepexeyia, kemeteuyukuwimatsie timieme, ²iki yuyemaiximeni werika manuyeka kiekatari wahepaitisa, meyuwimani. ²Iki waikawa puyukuxatani muhekiakaki tiita meripai kiekaritari mete²uweiya, memu²enieriekaki, ni²aritsie mekaniereti metepitiaka niukitiarika ²aku maxaxatsiwa kemeteuyukuwima kiekari manumatika miki hapaina kemete²uyumamateke.

Memuhekiare matiari kiekatari wani²ari muxewirixi mexeyati kiekari nierikaya hapaina wayiratarika mepeuxeiya.

A. Ni²aari werika manuyeka kwieyaritsie mutika kaniwimani naime tiita kiekaritari hapaina kiekatari mete²auxeyia, pahekiaka kiekaritari mukumane hapaina matiari kiekatari wawimari tsiere wayiratarika:

I. Memanuyukuhanani, yini²aritsie mekaniereti hapaina kemaine ni²aari mutika ²ena werika manuyeka kwieyaritsie, ²itsi manuyumaikaki, kepai mete²auyukuwima yuwaikaripatsie.

II. Yini²ari mexeyati me²eniet²i kemayetaine mipai metekahuni wa²itsi mayukumaikaki, ²aku xanetsika mewenani wakiekaritsie ranutineika, mete²awiyati kemireuku²uxa ni²aari werika manuyeka, me²iwiya²i kiekaritari wani²ari, waikawa me²iwiya²i ²ukari kiekatari wani²ari, kepai meteyikihiawe. Ni²aritsie ma²uxa kepai tiyurieneni titaawena xanetsika ranutineika, mikitsiri memiteyurieka ²itsikate memanu²utika.

Kiekari ni²arimama memakatetetiwani meripai kiekatari wawikuxa, me²eniet²i kemayetaitika wani²ari, ²itsi ni²arieya mayukumaika kiekaritari manumatikatsie metehaye²atiwati kepai reuku²uxatika ni²aari werika manuyeka kwieyaritsie mutika.

III. Mewarutuhiaweni yini²aritsie mekaneniereti yuni²arima hapaina kehate waniuki tuayamete memakine, meteparewieka kiekaritsie mexeyati kemete²auyukuwima, meyunaiti ²ukari hapaina ²ukitsi meteparewieka ²iki hiawariyatsie timieme, meyunaiti meywawe metihiawarieni tsiere meteyutahiawe ke²anetsie ra²eriwani ²aku yunaiti yaxeikia metehauwie: yaxeikia mete²uximayaka he²eyatariakatsie niukamete wahiauwiyatsi mekayia, meteaye²atiwati kemayetaitika ni²aari manukatetika tenari manumatika werika kwieyaritsie tsiere harakunapa mutika. Kwayiwe

memikanunuitiwani kemayetaitika ?itsi ni?arieya mukukaitika kiekaritsie, mana ma?uxa hiawarikatsie timieme ?aku ?itsikate memutihawariwani memu?utika kiekaritsie.

- IV. Mete?iwiyani, metehika hapaina mete?uweiyani naime tiita kiekari yiratarikaya yeiyaritsie timieme, miki watukari wayeyari mihiki yuhetsie metehapine, mete?akumaika kename kiekari maiyaaya waikawa raye?axe mikitsi mihiki wapini, meyunaiti memimate, mipai ti?aneni ya?umieme mana ma?uxatika ni?arite ?iki uximayatsikatsie timieme.
- V. Matiari kiekaritari waniuki kemiireti muxuawe muyukuxatani, muyuhekiaka, muyu?utani, muyu?ikitani hapaina mahekiaka naime werika manuyeka kwieyaritsie, ?iki nuiwari makimiire memuyumaika meteyukuxaxatiwani keraku?anene wahepaitsita, waniuki yu?enieka hakewa teyunaiti temu?uwa tsiere hakewa teyunaiti tekwapitarie.
- VI. Meteparewieka kemaine haika turuyaritsie ma?uxa ni?aari werika manuyeka kwieyaritsie mutika, ?ikitsikatsie timieme metewewieka kepai tiyu?uximayata ?ikitarika, mahekiaka nuiwari makimiire naime metexeyati kepai meteuyukuhana kiekaritari wanuiwari ?ikitarikatsie meeta maiyaatsie timieme.
- VII. Mete?uweiyani, metehika, mete?uximayaka hapaina mekuxatani kiekaritari wa?uatiarika muxuawe kiekaritsie, tsiere mete?uyemaika kepai tiuparewieni ?uka hukame, mutiniwetsie tsiere mitaweriyatsie yuniwe. Waikawa memahekiaka kehate mete?uyemate kiekaritari wa?uatiarikatsie timieme.
- VIII. Tei yurienaka me?iwiyani, mexeiyani tsiere memihika, tukari nuiwarieya kwie matsiwaya punaimini hapaina kakaiyaripa mukumatika, ?itsikate memu?utika memixeiyani, memi?iwiyani mexeiyati ni?aari kemaitika ?ikitsie timieme.
- IX. Meyunaiti mana meputenake, ni?aari werika manuyeka kwieyaritsie mutika paipaine kename meyunaiti meywawe kwie mutawauni, naime raye?atiame tiita tiyuku?iwawa, hapaina tiita ranutineika wahepaitsita tsiere kiekari mukumane, meyunaiti mete?uximayaka metekwatiweni tiita yirakametsie tixuawe wakiekaritsie, kwie mukumane ?itsikate memixeiya muwa mekwauhuni xika xapa mipaihaiti mana tikanii, mikitsiri ni?aari werika manuyeka. Xika kiekaritari mipai meteha?eriwani miyiwe metetixata ?itsikate wahamatia memanu?utika, ni?aritsie kemaine metexeyati, mipai mekatenikakinikuni.
- X. Mewatihaweni ?itsikate matiari kiekaritari mewawimani, metahiawe yuhapai tiunukame, niuki tuayamete hapaina ?itsikate memanu?utika, metihawarieni yaxeikia meyupapaimeti ?ukari meeta ?ukitsi, yaxeikia mete?aye?axe xika nuiwari ?ayemiireni xewiti mana mutakeni waniuki tuayame mayani, mikitsi ni?aritsie ma?uxa. Ni?aari mukatetika tenari werika manuyeka kwieyaritsie

mana mahekiaka meripai kiekatari wani?arite ?aku memitse?iriyeniki meyunaiti kiekari niukieya tuayamete meteparewieka.

Ni?aritsie ma?uxa makayeitiarie

- XI. Kewa ?itsikate wamemu?utika wawikuxa mauye?atika mana memuye?axeni tsimekate?ahiawariwati, miki ni?aari mepexeiya mepukahaitia matiari kiekatari, hapaina mepukahaitiaka xanetsika xika meuxeiyani meyuxexuiti tsiere kiekaritari, muyutawenaniki waikawa pahekiaka kiekaritari wani?ari ?aku nuiwari kemureuyukuwima mexeiya?ati ?aixi mete?akayuruwani, mukahaitiatikani ni?aariya kemaine werika manuyeka kwieyaritsie mutika.

Matiari kiekatari meparewiya xika ?auyehiaka niuki wename hapaina niuki tuayame, heimana nunuwameya tsiere maiyaa hekiakame makumate ?iki kiekaritari wani?ariyatsie timieme, mahekiaka waikawa ?itsi ni?arieya kemiireti muxuawe tinakemeki ?ukari meeta ?ukitsi wahapaitisa tsiere matiari kiekaritari wani?ari waniuki pakimiire.

- XII. Mukahaitiaka kemeteuyukuwima, kiekaritari ?aixi ?anemeki meteyiratiaka yurienaka hepaitisa, tei yurienaka matsiwaya maye?akaniki, ?aku memaya?atiwani ni?aritsie ma?uxatika ?ikitsie timieme.

- XIII. Mema?iwawiyeriwani ni?aari hekwati tiyuye?utixime tsiere ?uximayatsika manutineika wahetsie timieme, ?iki ranayeneika metetixexeyani xika wakiekaritsie tixuawe titsewiximaka, xika kawanakeni memutiniukani niuki makuxewiniki, ?aku ?uximayatsika ?aixi ?aneti muyemieniki ?iyaritariaka ?akuxewikaku, metepitiaka mete?akumaiti tiita wakiekaritsie tiye?aaxe, xika mipai kati?aneni miyiwe meteyutixatiani ?aku ?uximayatsika muyemieniki.

?Iwawiyeri ?aixi?aneme mewewiyerieka ?aku mahekiakaki matiari kiekaritari wa?iyaritariaka, metexeiya?ati kepai meteuyukuwima hapaina kepai meteukumane kiekaritari manumanetika, kwinitariaka kiekaritsie kwaxuaweniki, mukahaitiaka kiekaritari wani?ari, paiti?aneni, maanatsi ma?uxa ni?aari werika manuyeka kwieyaritsie mutika.

Xika xewiti ?itsikame yiki tiyurieneni xeime xeikia naime tikupinirieka, tiwarakapitiani kehate wapini tikuyuitiwa kwawaruta?iwawiyaxiki mipai parewiya makuxewiniki kiekaritsie.

?Itsikate xika waikawa mete?anupineni tixaititsie timieme hapaina xeime xeikia parewieka mana makunexiani kiekaritari tiwarakapitiani ?aku meyunaiti yaxekia miireme mete?anupini ya?umieme matiaripai muta?iwauni kemeteha?eriwa miki ?uximayatsikatsie timieme, manatsi pai mireuku?uxatika ni?arite ma?uxatika werika kwieyaritsie mutika.

Memiyiwawe kiekaritari memuti?iwauni ?itsikate wahatsia meniniereti kemeteyurie wakiekaritsie, memiyiwawe meti?iwauni xika wani?ari

kaʔukahaitiaka, kehate ʔitsikate metexeiya ikitsie timieme paimetekakine, meteʔayeatiāni ʔiwaarikatsie timieme.

Niʔaritsie maʔuxa makayeitiārieni

B. Werika manuyeka, tenari manumanetika, ʔitsikate memuʔutika hapaina harakunapa wikuxaya kemireuʔatika, miki memiyini mewarukuwauni kehate meteyurieka meteayeʔatiāni matiari kiekaritari waniʔari, ʔaixi meteyukuxaxatiwani nuiwari makimiire muyuyeweyāniki ʔaixi ʔaneti, ʔika muyuwewieka meyūnaiti meyiniti.

Mipai tiʔaneniki, ʔitsikate meteʔayeʔatiwani ʔuximayatsika ʔikitsie timieme:

I. Mewaparewieka matiari kiekaritari ʔaixi ʔanemeki memiyiraniki, ʔuximayatsika niuki muxewini ʔaku mitirikaiyeniki maiyaa yiratarikatsie timieme, maiyaa ʔetsiyatsie timieme, matsi waikawa tei niwetsika wetuarieyatsie, niwetsika, kiekaritari wayiratarika hapaina tei yurienaka ʔaixi metekuʔuximayātani, mekatēniitiati tiita tikwiniyatika.

Niʔaari muxuawe muyuyexātani ʔuximayatsika ʔaku matiari kiekaritari kemeteuyukuwima ʔaixi ʔaneti muyemieniki, mahekiaka waʔuximayatsika mikitsi wanuiwari mihiki.

II. ʔitsikate memanuʔutika parewiya ʔayeʔakame meyetuayani ʔaku uximayatsika tixuawe mikitsie timieme kuruxi muyetuiwani, matiari kiekaritari kuruxi memanuwiwani.

III. Memiyiwaweni ʔuximayatsika metsutiani ʔaku mahekiakaki wayiratarika yeyaritsie timieme, kiekari maiyaaya muyukuxātani hapaina nuiwaritsie timieme, matiari kiekaritari memukahaitiaka wanuiwaritsie timieme, kemaineni niʔaritsie meteʔayeʔatiwati.

IV. Waikawa tiyuʔuximayaka nuiwari mukumane ʔikitarikatsie timieme meeta ʔikitsie mekaneniereti:

a) Meteʔikitarieka kepai meteʔayukuwima kiekaritsie, matiari kiekaritari wanuiwari ʔikitarikatsie pahekiaka.

b) Waikawa ʔuximayatsika muxuaweni ʔiwama meteyutiʔikitia wahepaitsita, ʔaku kiekaritari waʔikitarika muhekiaka.

c) Kehate meteyiʔikitia memuparewiyaka tsepa kewa mutimie tiyiʔikitiati;

d) ʔikitarikatsie hutame niuki yiʔikitani, matiari kiekaritari kepai meteʔikita yunuiwari mahekiaka, hapaina

e) ʔikitarikatsie timieme waikawa pahekiaka matiari kiekaritari wanuiwari, memahekiaka ʔena werika manuyeka kwieyaritsie, nuiwari makimiire mepeuyuwimani meeta mekayutsewiximaka.

- V. Mete²uatiariekā hapaina muxuaweni uximayatsika parewiya ²uatiarikatsie timieme, kiekari muyehapane naitarie mexuaweni te²uatamete metexeyati kepa² meteyu²uatiaxime kiekaritari mukumane, mete²amaika kename matiari kiekaritari ²iteirite tiyu²uatiwame mete²auxeiya.
- VI. Memexeyani ²ikwai ²aixi²aneme meeta ²aye²akame metexeyati tiita yukiekaritsie mete²ukwaixime, waikawa mepukahaitiaka tiritsi.
- VII. Meparewiyaka matiari kiekaritari kiekari ²aixi ²anekia memuketetikaniki hapaina memexeyani kewa memuyutixexeiwiwa kewa mete²utixaxata tsiere kewa memutiwaika, ²itsikate kuruxiki meteparewieka ²aku ²aixi ²anememeta kii memayetetikani, parewiya ²aye²ati tiyuyetuayani, yurienaka mekatsewiximati waikawa mexeyati tuutsima wamaiyaa meta wawewiya.
- VIII. Meyunaiti ²ukari meteparewieka, wa²uximayatsika yuparewieka mikitsi memiyiwawe ²ukitsi wahapai, kiekaritari mukumane meyunaiti mewaparewieka; tsiere meteyi²ikitiaka yinuiwari, memiyiwaweni kwie memexeyani; niuki memuyexaxatani tsiere meteparewieka xatsikatsie, mekuxatani niuki ²aixi ²aneme tukari, yeiyari meeta nuiwaritsie timieme.
- IX. Wakiekaritsie memuxuaweni niuki tuayamete, memiyiwaweni xatsika memanuyutuiwani tsepa kewa heyeikati, muxuaweni huye tewi wewiyaya hapaina xaweritsie ranayeneika, keraneika naiti tiyuhokia, tiyu²enie meeta tiyumatsiiki.
- X. Matiari kiekaritari metexeyani, metekuyuitiwani naime tiita tixuawe niukametsie timieme, miki meteyuriekā metekuxatani, meteparewieka, metexeyani, metewauka tiita reuyewetse ²aku ²iki ²aixi ²aneme meteuxeiyani, kewa mete²uximayaka tsiere kewa mete²uutani ²aixi putiuye²anenedi, mete²uximayaka yuniukitsie timieme yaxeikia yunuiwari, naime metekumaiwani kewa ranayeneika, keraneika tiyuhokia, tiyu²enie meeta tiyumatsiiki.
- XI. Kiekaritari mukumane meteuxeiyani kewa ranayeneika, keraneika tiyuhokia, tiyu²enie hapaina tiyumatsiiki, memi²uximayaka meyunaiti yaxeikia ²ukitsi tsiere ²ukari wamatsiwa maye²atikani tsiere matiari kiekaritari wanuiwari makimiire mekuxatani.
- XII. Matiari kiekaritari meparewiyaka memexeyaniki niukamete kewa ranayeneika, keraneika tiyuhokia, tiyu²enie hapaina tiyumatsiiki, wa²uximayatsika mihikitini ²aku memeye²atiwani kuruxitsie timieme, uximayatsika meyexaxatani, tiita hekwati ranutineika mete²akumaika waikawa mexeyati tuutsima wamaiyaa, tiita mete²uyemate metewewieka metetuati.
- XIII. ²Itsikate wa²uximayatsika kemureukuhane memaye²atiwani memihika kiekaritari wanuiwari hapaina kiekatari kehate memu²uwa werika

kwieyaritsie meeta ?anitaiyepai memeutakika, ?iki waikawa mete?uximayaka:

- a) Mete?amaikaa kepai meteuyukuwima kiekaritari tewa memutetika hapaina kehate tserieta memanexia werika manuyeka mete?awiyati memaki, mikitsi mektenakumaika tsepa kewa memeki;
- b) Kehate iwamarixi ?uximayatsika memakaweyatikika memukahaitiaka ni?aari memexeyatika hapaina teuteri mete?uximaya kii muku?utukatsie meeta kehate mekwananaimi;
- c) Meyuye?atiwani ?ukari watukari, meparewiyaka ?ikitiarikatsie timieme, hapaina ?ikwai ?aixi ti?aneme metexeyani tiritisi, ?ukari, ?ukitsi hapaina temari memukutetika tewapai hapaina tsiere memu?axe tewapaiti kiekatari;
- d) Waikawa muyuyeweyani nuiwari memukahaitiaka matiari kiekaritari, hapaina
- e) Muyukuxaatani ke?ane wanuiwari, mete?amaika kepai meteuyukuhana, kepai meyunaiti meteuyukuwima kiekari mukumanetsie, ?aku miki metexeyati waikawa metehawiyati yukiekaritsie memakikani.

Werika manuyeka ni?arieya paimaineni kename kehate ?ena memu?axe ?ena metehawiyani ?iki kwietsie memu?uwani, memahekiaka kiekaritari yaxeikia mewaparewieka mekwate?atimamaiyaniki kewa mete?awiya meeta kewa memeyaki.

- XIV. ?lwawiyeri muxuaweni xika ?uximayatsika kiekaritsie tiyutamaimiki, kiekaritari memiyiraniki niuki xewimetsie, hapaina kemete?uximayata kewa mete?awiyatika tenari mukumane wawikuxa kereu?atika, meeta harakunapa wikuxaya kereu?atika, mana tsiere meteparewieka xika mipai meteha?eriwani.
- XV. ?lwawiyari mewewieka meyunaiti meteparewieti ?aixi ?iyari naiti matiari kiekaritari yini?arima wahepaitsita, mekatekatsutiawekaku ?uximayatsika, haxa?aniyineme tsiere tsewiximarika kiekaritsie muyehane, ?itsikate memu?utika meteparewieka metetixexeyati naimi tiita tiyuku?iwawa ?aku ?aixi tikahuni uximayatsika tixaiti haxa?aneti kwanayeneikaniki tukari muyemienitsie, mana ya?umieme kana?utseni XIII A tsie mieme ?iki turuyaritsie.

?Itsikate ni?aari ?utiwamete wakii manu?utuka hapaina ?itsikate memuku?utuka kwie mukumane iki wa?uximayatsika mihiki, meyexaxatani kuruxi ketiyixitiaxime ?aku kuruxi muyukimaiwa werika manuyeka kwieyaritsie, matiari kiekaritari kuruxi memuyetuiriyariwani, memiyexaxatani ketiyixitia kiekaritsie, kiekaritari memukutetika

ʔaixi ʔaneme ʔuximayatsika meyeweiyani ʔiki parewiyatsie timieme, mikitsi mipai maine waniʔari werika manuyeka mutika.

Tsimekateyuyehiaweti niʔaari memayeʔatiwani meyunaiti matiari kiekatari meeta matiari kiekaritari hapaina kemeteʔukaniere, kiekari naiti mukumane yaxeikia ʔaneme metexeyani yniʔaritsie timieme mikitsi xapa mutikate ʔena werika manuyeka kwieyaritsie paimaine.

C. ʔIki niʔaari werika manuyeka kwieyaritsie mutika, mana mahekiaka kiekaritari kepai meteyumamateke hapaina memiyiyiwi wakiekari ʔena metehawiyati memaki, tsepa kemeteuyukuwima mana memahekiaka, werika manuyeka kwieyaritsie waikawa kiekaritari memuʔuwani, yiki meteʔuhutu, yiki aneneme tukari meʔayexeyati. Miki naiti pukahaitiaka, niʔaritsie mekaneniereti mana mipai mireukuʔuxatika, ʔaku ʔaixi ʔiyari yuʔuximayatsika memuweiyani tsiere meyunaiti meteparewieka meteʔayeʔatiwati kemaine xapa werika manuyeka kwieyaritsie mutika, ʔaku mahekiaka kepai meteuyukuhana memimaika ʔitsikate kehate metexeyi naime kiekaritsie timieme, meteʔiwiya kiekari mukumane yumamatsie memawika.

Kehate memuʔatiarie werika manuyeka kwieyaritsie miki mepihiki memiyiyiwi, kewa memanuiwari metehamate, yukiekari memukuwewiexia yutukari memuweiya ʔakuxi, yuʔuximayatsika memayexeyi, yuyeyari hapaina yiniʔarima mewarexeyatika, meteʔuximaya ʔaixi ʔiyari, meyunaiti werika manuyeka meteʔawiya.

Memiyiyiwi wakiekaritari wanuiwari puxewirixi, maniyine ʔitsikate wahatsia meyeʔaxeni meteyetuayani tiita meteuyehiwa hapaina memutukani xika tixaiti ʔuximayatsika katiwanakeni, yumamatetsie meteʔapika tiita metexeyi, niʔaari memexeyi:

- I. Miʔiwiyarieka wanuiwari naime tiita metewima, kepai meteukutetika, kemeteyurie yukiekaritsie, hapaina kepai meteuyukuhana yukiekaripa, naime tiita metexeyi wakiekaritsie tixuawe, kiekari yiratirikaya yeyaritsie timieme, hapaina yukiekari maiyaaya manatsi pai maine niʔaari werika manuyeka mutika;
- II. Muyuyexaxatani, muhekiaka hapaina miʔiwiyerieka kiekari maiyaaya, tiita metekuxata tsiere titatsie meteparewie ʔaku ʔiki kiekari manuyukuhani, meteparewieka ʔiki kwietsie ʔaku niuki yaxeikia niwari makimiire meeta ʔikitirikatsie timieme mahekiaka, meta
- III. Xika ʔiwawiyeri tiwewiyaka mana memauʔutswani, kiekataritsi mekayia, memahekiaka, tiita tiwewiyaka meteparewieka meyuyexaxatati kemetekutetika hapaina kemeteuyukuwima, ʔitsikate tsiere wakii muʔutuka meteʔuximaya ʔikitsie timieme, metexeyani, metewewieka niʔarite ʔaixi haitikaime, ʔaku ʔiwawiyerikatsie mahekiaka kepai memakuʔane yukiekaritsie hapaina kemeteyukumamateke.

D. ?lki ni?aari muhekiatani ?ukari wahetsie timieme memukahaitiaka, hapaina ?ukari memiyiyiwi, mete?uximayaka yaxeikia meyumimiireti, meteparewieka xatsikaki yukiekaritsie timieme; memukuxatani ?ikitiarika, ?aixi meteheu?erieka, yaxeikia memiyiwaweni kwie memexeyani tsiere memiwauka, mipai wani?ari payuye?atiwani.

Ni?aari puhekiaka tiriti meeta temari matiari kiekaritari wahetsie hapaina memiyiyiwi, ?aixi ?anemeki meparewiyaka, yuniukiki mete?axaxatiariwani, ?aku memetimitikikani titatsie mete?ukahaitia, ?ikitiarikatsie timieme, ?aixi metehau?eriekatsie, uximayatsikatsie, tiita metemate, waikari, uximayatsika naiti tiita tixuawe, ?aku miki naime wakiekaritsie tiyuyeweiya: hapaina metehaye?atiwani yutukaritsie, memuwani ?aixi ?iyari, mekayutate?ati, mekayukwiti hapaina mekayutsewiximati ?ukari meeta ?ukitsi, memukuxatani tiita meteuyehiaka, kwaxuaweni iyari kwinitiarika, tsewiximarika hapaina ?ukitsi meeta ?ukari wakwinitiarika, kepai mete?auyukuwima mitirikaiyeni.

Werika manuyeka, tenari mukumane hapaina kiekaritari kewa meteawiyatika metehaye?atiwani tiita reuyewetse kiekaripa, kiekari mukumane mepukahaitiaka memexeyani ni?aari, tsewiximarika kwaxuaweni, ?aixi ?iyari memuwani mekayutate?ati ttimekateyuyehiaweti meyunaiti memuhekiakaki yukiekaritsie tsiere kiekari naiti manumatika, meeta memahekika memiyiyiwi.

Ni?aari werika manuyeka mutika, mana ma?uxatika ni?arite, paipaine kename waikawa matiari kiekaritari wanuiwari mayuye?atiwani, ?aku ?aixi ?iyari memukutetikaniki hapaina memahekiaka kiekari mukumame tsiere memiyiyiwi wakiekari mahekiaka werika manuyeka ni?arieyatsie.

Ni?arite tixuawe werika manuyeka kwieyaritsie tenari manumanetika miki meteyurieka metehaye?atiwani tiita naiti mana ni?aritsie muraye?uxa, hapaina mete?uweiyani naime tiita ?iki turuyaritsie rayemie, xeikia tiita tiwa?uxumayatsika miki mete?uweiyani.

Kemitiwiya ni?ariya

Xewi.- ?lki xapa ni?aari titewa, ?utsikayari muyutsutuwani ayuye?atiwati ?uxa?arieka kepauka mana ni?aari mahekiaetsie.

Huta.- Xikari mana ?ahekiare ?iki ni?aari, mayukatini naiti tiita mana ma?uxatika yiki ?aitikaiti ?aku ?ikitsie ?aixi reuku?uxatika ni?aritsi kanihikitini.

Haika.- ?ltsikate mete?uximaya memutipiniyarie xei waxayari heimana nauka tewiyari tukari, yutsutuwani kepaika ?iki ni?aari muhekiaretsie tsiere tiyutsutianitsie, meyini xapa metiwewieni mipai ?aineme kenameri matiari kiekaritari me?uhekiarixi, ni?aari ?aixi metewewieni hapaina ni?aari meti?utiani meeta ni?aari ?utiana mau?uixianiya tsiere mautiwire.

Nauka.- ?ltsikame tsiere ?ltsikate kehate mete?uximaya werika manuyeka, mikimexi memiyini metetipata naime kemaitika ?ikitsie timieme, ?aku matiari kiekaritari hapaina kiekaritari mukumane ?aixi ?iyari memuyekikani hapaina memiyiyiwi wakiekari mahekiaka

meyunaiti ?iki ni?ariyatsie; miki ?itsikate naime metekuyuitiani kepauka mahekiaretsie ni?aari, ka?anuyeyeiwekaku xei waxawi heimana nauka tewiyari tukari ?ikitsi mipai maine ni?arieya.

?Auxuwi.- ?Itsikate memu?utuka naime ?iki werika manuyeka kwieyaritsie, tiita metexeiya mana mekaneniereti memiyiwawe metetipata tiita reuyewetse ?aku kiekari mukumane hapaina kiekatari meta memiyiyiwi wahetsie, yu?itsi memutitsetserani kewa tikuxaxatsiwani, meyunaiti yumamatsie mehawiti mikitsi mipai mureuku?uxa ni?aari werika manuyeka mutika, hapaina mahekiaka wa?itsi, tsiere ?aixi?iyari memu?uwani waikawa mayuye?atiwani wanuiwari, mipai metekakine ?itsikate memu?utuka kanuyeyeiwekaku xei waxawi heimana nauka tewiyari tukari, muyutsutuwani ?uxa?arieka kepauku mahekiare ?iki ni?aariya.

?Ataxewi.- Ni?aari ?utiwamete kuruxu memanayetuani ?iki ni?aari muyuta?utiaki, mekaneniereti werika manuyeka ni?arieyatsie kewa ma'uxa kuruxi ketiyikixixitiwa, xika patsixa ?aniereni ?itsikate wahetsie ?iki ni?aari yuwewiekaku meteyukapitiani kuruxiki, muyemieni ?uximayatsika ?aixi anemeti, mikitsi mipai maine mana ni?aritsie, kwayiwe mepitiarieka kuruxi meyewauximeni, meteyurieka xeia ?aye?akame kemiireme memi?iitarieni xei witaritsie timieme.

?Atahuta.- ?Itsikame tsiere ?itsikate werika manuyeka kwieyaritsie memu?uka mikimexi memiyiaka kehate ?iki ni?aariya metani?axiani naime kiekaritari keranumatika ?aku yuniukiki memeka?utiani hapaina meteparewieni mahekiareki naitсарie.

?Atahaika.- ?Aku meyuti?enietiyekaniki tiita ?ena raye?uxa ni?ariyatsie, waikawa muxeyani kemaine ni?aari werika manuyeka kwieyaritsie mutika hapaina ni?arite tixuawe ?ikitsie timieme, werika manuyeka manatsi tinawiya, hapaina tiita miranawitia.

Harakunapa, ?upaukukaku xei tewiyari heimana ?atanauka tukari ?atanauka metseriyaritsie xei tewiyari waxayari heimana xei tewiyari nauka witariyaritsie.- Sen. Gerardo Fernández Noroña, ?Itsikame ?uki.- Dip. Ifigenia Martha Martínez y Hernández, ?Itsikame ?uka. - Sen. Verónica Noemí Camino Farjat, Ti?utiwame.- Dip. Nayeli Arlen Fernández Cruz, Ti?utiwame.- ?Utsikaya."

Reyuye?atiwati kemaine I tsie, rawiya turuyari nauka tewiyari heimana ?atanauka werika manuyeka xapayaritsie ma?uxa, ?iki muhekiareki tsiere muxeyariekaki , ?iki ni?aariya meputatua ?aku waikawa tirikaiyemetsie ?itsikate wakiita, harakunapa, tupaukukaku xei tewiyari heimana tamamata tukariyaritsie, ?atanauka metseriyaritsie xei tewiyari waxayari heimana xei tewiyari nauka witariyaritsie.- ?Itsikame werika manuyeka Andrés Manuel López Obrador.- ?Utsikaya.- ?Itsikate mete?uximaya ni?aari me?utiati, Luisa María Alcalde Luján.- ?Utsikaya.